



05-01/24.02/26
04-01

Broj: 01-03-3117-2/26
Zenica, 23.02.2026. godine

SKUPŠTINA
ZENIČKO-DOBOJSKOG KANTONA
n/r predsjedavajućeg

SKUPŠTINA ZENIČKO-DOBOJSKOG KANTONA			
Org. jed.	Broj	Prilog	Vrijednost
	01-03-3117-2/26		

PREDMET: Izvještaj o radu Nezavisnog odbora za 2025. godinu, dostavlja se

U skladu sa članom 30. stav (1) tačka d) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj:13/18, 6/19, 22/19, 21/20, 10/21 i 8/23), u prilogu akta Vam dostavljamo Izvještaj o radu Nezavisnog odbora za 2025. godinu, radi razmatranja istog na sjednici Skupštine Zeničko-dobojskog kantona.

S poštovanjem,

Prilog: kao u tekstu

PREDSJEDAVAJUĆI
Nezavisnog odbora



Dostavljeno:

Naslovu

1x U predmet 36. sjednice Nezavisnog odbora/04-02

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA
Nezavisni odbor**

**IZVJEŠTAJ O RADU NEZAVISNOG ODBORA
za 2025. godinu**

Zenica, februar 2026. godine

UVODNE NAPOMENE

Obaveza Nezavisnog odbora za dostavljanje godišnjeg izvještaja Skupštini Kantona o svom radu, propisana je odredbom člana 30. stav 1) tačka d) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23).

S ciljem ostvarivanja svoje nadležnosti propisane članom 30. stav 1) tačka c) Zakona o unutrašnjim poslovima Zeničko-dobojskog kantona, Nezavisni odbor razmatra mjesečne Izvještaje o radu policijskog komesara. U skladu sa odredbom člana 31. stav (3) Zakona o unutrašnjim poslovima Zeničko-dobojskog kantona, te odredbom člana 6. stav 1. Poslovnika o radu Nezavisnog odbora, Nezavisni odbor održava redovne sjednice najmanje jednom mjesečno, kako bi imao cjelovit i kontinuiran uvid u rad policijskog komesara i Uprave policije, odnosno sigurnosnu situaciju u Zeničko-dobojskom kantonu, a po potrebi, zavisno od akata koji se dostavljaju Nezavisnom odboru, sjednice se održavaju i više puta u toku mjeseca. U skladu sa navedenim, Nezavisni odbor podnosi Izvještaj o radu za 2025. godinu.

NADLEŽNOST NEZAVISNOG ODBORA

Nadležnost Nezavisnog odbora utvrđena je u odredbi člana 30. stav 1) Zakona u unutrašnjim poslovima Zeničko-dobojskog kantona, u kojoj je navedeno da Nezavisni odbor:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) prati rad policijskog komesara i utvrđuje prijedlog godišnje ocjene policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine sačinjava dodatni izvještaj o svom radu;
- e) predlaže razrješenje policijskog komesara Vladi Kantona u skladu sa ovim zakonom;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona.

Nezavisni odbor sastoji se od 7 članova, koji nisu zaposleni u Ministarstvu unutrašnjih poslova Zeničko-dobojskog kantona i Upravi policije kao i drugim ministarstvima unutrašnjih poslova i policijskim organima u Bosni i Hercegovini.

Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke. Sastav Nezavisnog odbora odražava nacionalnu strukturu stanovništva na teritoriji Zeničko-dobojskog kantona prema popisu stanovništva iz 1991. godine, uz poštivanje spolne zastupljenosti.

U toku 2025. godine Nezavisni odbor je zasjedao u sljedećem sastavu:

1. Grujo Martin, diplomirani pravnik,
2. Huskanović Elvir, profesor odbrane i sigurnosti,
3. Jusufović Naira, profesor predškolskog odgoja, doktor pedagoških nauka,
4. Brkić Kemal, doktor političkih nauka,
5. Hadžić Šehadet, diplomirani pravnik,
6. Mušić-Uka Almina, diplomirani pravnik,
7. Durmić Faruk, diplomirani ekonomista.

Mandat imenovanim članovima navedenog saziva Nezavisnog odbora je počeo 28.06.2023. godine i traje do 28.06.2027. godine.

PODUZETE AKTIVNOSTI NEZAVISNOG ODBORA U IZVJEŠTAJNOM PERIODU

Nezavisni odbor je u izvještajnom periodu održao **14 sjednica**, na kojima se raspravljalo o ukupno **45 tačaka** dnevnog reda, te je doneseno **20 zaključaka**.

Na sjednicama su razmatrani redovni mjesečni izvještaji o radu policijskog komesara i izvještaji o radu Uprave policije sa ocjenom stanja bezbjednosti za određeni vremenski period. Članovi Nezavisnog odbora su nastojali da davanjem određenih prijedloga i sugestija, doprinesu što boljem i kvalitetnijem radu policijskog komesara, Uprave policije, a time i cijelog Ministarstva unutrašnjih poslova Zeničko-dobojskog kantona.

PRIKAZ AKTIVNOSTI NEZAVISNOG ODBORA U IZVJEŠTAJNOM PERIODU PO SJEDNICAMA

Nezavisni odbor je u toku 2025. godine održao ukupno **14 sjednica**.

Na 21. sjednici Nezavisnog odbora, koja je održana 24.01.2025. godine, Nezavisni odbor je razmatrao Izvještaj o radu policijskog komesara za mjesec decembar 2024. godine, Izvještaj o radu Uprave policije i stanju bezbjednosti za mjesec decembar 2024. godine na području Zeničko-dobojskog kantona i iste prihvatio. U skladu sa zauzetim stavom sa 19. sjednice Nezavisnog odbora, da se o terminu održavanja sjednice obavijesti Edo Sulojdžić, službenik Misije OSCE-a u BiH, sjednici Nezavisnog odbora je prisustvovao imenovani koji je istakao da je monitoring Misije OSCE-a u BiH upravljen kako bi imali bolji uvid u funkcionisanje Nezavisnih odbora i da je tu kao službenik Misije OSCE-a u BiH ukoliko može pomoći na bilo koji način i da njegova uloga nije da kritikuje, već više da nastoji pomoći kako bi se pokušalo unaprijediti određene procese.

Na 22. sjednici Nezavisnog odbora, koja je održana 10.02.2025. godine, Nezavisni odbor je razmatrao anonimnu pritužbu (disciplinsku prijavu) na rad policijskog komesara Uprave policije Ministarstva unutrašnjih poslova Zeničko-dobojskog kantona, broj: 01-30-1961/25 od 03.02.2025. godine, u cilju dogovora i poduzimanja daljnjih radnji vezano za očitovanje policijskog komesara i ispitivanje navoda sadržanih u pritužbi. Nakon okončane diskusije Nezavisni odbor je zauzeo stav da Nezavisni odbor traži od Admira Gazića, policijskog komesara Uprave policije Ministarstva unutrašnjih poslova Zeničko-dobojskog kantona da dostavi Nezavisnom odboru izjašnjenje po Pritužbi na rad komesara (disciplinska prijava), broj: 01-30-1961/25 od 03.02.2025. godine, sa očitovanjem o svakom pojedinačnom navodu iz predmetne pritužbe i dokumentima i aktima u prilogu koji potkrepljuju dato očitovanje, te da se isti dopis sa priložima na znanje dostavi i ministru Ministarstva unutrašnjih poslova Zeničko-dobojskog kantona.

U okviru tačke dnevnog reda – Razno, Nezavisni odbor je utvrdio dinamiku i način realizacije predstojećih obaveza, odnosno utvrđivanju Prijedloga godišnje ocjene o radu policijskog komesara, sačinjavanju Izvještaja o radu Nezavisnog odbora za 2024. godinu, kao i potrebi dostavljanja mjesečnih izvještaja komesara i Uprave policije do desetog u mjesecu za prethodni mjesec.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 23. sjednici Nezavisnog odbora, koja je održana 28.02.2025. godine, Nezavisni odbor je razmatrao Izvještaj o radu policijskog komesara za mjesec januar 2025. godine, Izvještaj o radu Uprave policije i stanju bezbjednosti na području Zeničko-dobojskog kantona za mjesec januar 2025. godine, Izvještaj o radu Uprave policije i stanju bezbjednosti na području Zeničko-dobojskog kantona za 2024. godinu i pritužbu (disciplinsku prijavu) na rad policijskog komesara Uprave policije Ministarstva unutrašnjih poslova Zeničko-dobojskog kantona, broj: 01-30-1961/25 od 03.02.2025. godine sa Izjašnjenjem policijskog komesara Uprave policije Ministarstva unutrašnjih poslova Zeničko-dobojskog kantona i priložima, broj: 08-02-01/1-04-1-418-1/25 od 20.02.2025. godine, zaprimljeno dana 24.02.2025. godine.

Nezavisni odbor je jednoglasno prihvatio Izvještaj o radu policijskog komesara za mjesec januar 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec januar 2025. godine uz sugestije da se u borbi protiv zloupotrebe opojnih droga treba pojačano raditi i napredovati, dat je prijedlog vezan za nalažanje instruktivnih depeša vezanih za primjenu Etičkog kodeksa za policijske službenike Ministarstva unutrašnjih poslova Zeničko-dobojskog kantona da se sagleda da li se povrede kodeksa mogu dodati u izvještaj u dijelu lakših i težih povreda službenih dužnosti, tj. članu 106. ili 107. Zakona o policijskim službenicima Zeničko-dobojskog kantona, da se dodaju podaci o naknadno riješenim krivičnim djelima iz ranijeg perioda, da se u izvještaju navedu i podaci o saradnja sa drugim institucijama i centrima u slučajevima nasilja u porodici i šta se poduzima sa ciljem smanjenja broja slučajeva nasilja u porodici, da se u izvještaju detaljnije pojasne razlozi povećanja broja prekršaja po javnom redu i miru, da se po pitanju bezbjednosti saobraćaja napravi analiza broja nezgoda, broja kontrolisanih vozila i vozača i izdatih prekršajnih naloga, s ciljem komparacije podataka i poduzimanja represivnih mjera koje bi mogle smanjiti broj saobraćajnih nezgoda, da se u izvještaju pored sagledavanja parametara na način „u odnosu na prethodni mjesec i isti mjesec prethodne godine“ navode i mjere i aktivnosti kontinuiranog poboljšanja parametara, da se u izvještaju u kontinuitetu navode i podaci o broju žalbi i broju ljudi na bolovanju.

Nezavisni odbor, je primio na znanje Izvještaj o radu Uprave policije i stanju bezbjednosti na području Zeničko-dobojskog kantona za 2024. godinu.

Nezavisni odbor je razmatrao anonimnu pritužbu (disciplinsku prijavu) na rad policijskog komesara Uprave policije Ministarstva unutrašnjih poslova Zeničko-dobojskog kantona, broj: 01-30-1961/25 od 03.02.2025. godine sa Izjašnjenjem policijskog komesara Uprave policije Ministarstva unutrašnjih poslova Zeničko-dobojskog kantona i priložima, broj: 08-02-01/1-04-1-418-1/25 od 20.02.2025. godine, zaprimljeno dana 24.02.2025. godine, te nakon detaljne analize svakog pojedinačnog navoda iz pritužbe (disciplinske prijave) i izjašnjenja policijskog komesara po istim, donio Zaključak o neosnovanosti anonimne pritužbe na rad policijskog komesara Ministarstva unutrašnjih poslova Zeničko-dobojskog kantona.

U okviru tačke dnevnog reda – Razno, Nezavisni odbor je razgovarao i diskutovao o utvrđivanju Prijedloga godišnje ocjene o radu Policijskog komesara Uprave policije-Ministarstva unutrašnjih poslova Zeničko-dobojskog kantona za 2024. godinu i utvrđivanju načinu davanja prijedloga i sugestija policijskom komesaru Ministarstva unutrašnjih poslova Zeničko-dobojskog kantona u cilju unapređenja njegovog rada i rada Uprave policije Ministarstva unutrašnjih poslova Zeničko-dobojskog kantona, te načina praćenja realizacije istih.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 24. sjednici Nezavisnog odbora, koja je održana 24.03.2025. godine, Nezavisni odbor je razmatrao Izvještaj o radu policijskog komesara za mjesec februar 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec februar 2025. godine, Izvještaja o radu Nezavisnog odbora za 2024. godinu i Prijedlog godišnje ocjene o radu policijskog komesara Ministarstva unutrašnjih poslova Zeničko-dobojskog kantona za 2024. godinu. Nezavisni odbor je prihvatio Izvještaj o radu policijskog komesara za mjesec februar 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec februar 2025. godine, uz konstataciju da su u istom obuhvaćeni prijedlozi i sugestije dati na prethodnoj sjednici, te dati prijedlozi da se razmotre mogućnosti iznalaska rješenja po pitanju da policijski službenici koji su već jednom bili na obuci na policijskoj akademiji ne moraju ići i drugi put, a sa ciljem skraćivanja procedure i finansijskih ušteda. Nezavisni odbor je sugerisao pojačane mjere kontrole po pitanju kontrole objekata, upotrebne dozvole i protivpožarne zaštite ukazujući na protekle događaje u Srbiji i Makedoniji, te da se u izvještaju navedu i podaci po pitanju trgovine djecom ukazujući na događaj u Brčkom, te predložio da se pitanje trgovine djecom sagleda kroz krim-obavještajne izvještaje i preispita prisustvo istog na području Zeničko-dobojskog kantona.

Nezavisni odbor je utvrdio Izvještaj o radu Nezavisnog odbora za 2024. godinu i isti dostavio u dalju skupštinsku proceduru.

Pod tačkom dnevnog reda - Prijedlog godišnje ocjene o radu policijskog komesara Ministarstva unutrašnjih poslova Zeničko-dobojskog kantona za 2024. godinu, Nezavisni odbor je nakon okončane rasprave, za rad policijskog komesara Gazić Admira u 2024. godini, predložio godišnju ocjenu „uspješan“.

U okviru tačke dnevnog reda – Razno, Nezavisni odbor je zauzeo stav da se prijedlozi i sugestije članova Odbora datim sa ciljem poboljšanja mjesečnih Izvještaja o radu policijskog komesara i Izvještaja o radu Uprave policije i stanju bezbjednosti na području Zeničko-dobojskog kantona na način da se obuhvate nove stavke i prošire postojeće, ubuduće dostavljaju u pisanoj formi i razgovarao o naknadi za troškove prijevoza kada se u jednom mjesecu održe dvije sjednice Nezavisnog odbora, imenovanju novog predsjedavajućeg Nezavisnog odbora po principu rotacije, te održavanju naredne 25. sjednice Odbora.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 25. sjednici Nezavisnog odbora, koja je održana 14.04.2025. godine, Nezavisni odbor je razmatrao akt „Nadležno postupanje, traži se“ Federalnog ministarstva unutrašnjih poslova - Kabinet federalnog ministra unutrašnjih poslova, zaprimljen pod brojem: 01-03-7204/25 dana 09.04.2025. godine i Prijedlog Odluke o izboru predsjedavajućeg Nezavisnog odbora. Nakon upoznavanja sa sadržajem akta Federalnog ministarstva unutrašnjih poslova, Nezavisni odbor se jednoglasno saglasio da se od Admira Gazića, policijskog komesara Uprave policije Ministarstva unutrašnjih poslova Zeničko-dobojskog kantona traži izjašnjenje po istom, te da se isti dostavi ministru Ministarstva unutrašnjih poslova Zeničko-dobojskog kantona na znanje.

Nezavisni odbor je jednoglasno donio Odluku o imenovanju Grujo Martina za novog predsjedavajućeg Nezavisnog odbora čiji mandat traje do izbora novog predsjedavajućeg koji se bira po principu rotacije shodno Poslovniku o radu i koja Odluka stupa na snagu danom donošenja, a primjenjivat će se od 25.04.2025. godine.

U okviru tačke dnevnog reda – Razno, Nezavisni odbor je razgovarao o donesenoj Odluci o izmjenama i dopuni Poslovnika o radu Nezavisnog odbora („Službene novine Zeničko-dobojskog kantona“, broj: 12/23), broj: 01-03-17195-1/23 od 24.11.2023. godine, sa 7. sjednice Nezavisnog odbora, a koja je upućena predsjedavajućem Skupštine s ciljem davanja saglasnosti Skupštine Zeničko-dobojskog kantona na istu. Članovi Odbora jednoglasno su se saglasili da se u vezi sa navednim uputi dopis-molba Kolegiju Skupštine Zeničko-dobojskog kantona da se sa ciljem omogućavanja efikasnijeg funkcionisanja i blagovremenog postupanja po aktima dostavljenim na razmatranje Nezavisnom odboru, dostavljeni Prijedlog Odluke o davanju saglasnosti na Odluku o izmjenama i dopuni Poslovnika o radu Nezavisnog odbora razmatra kao tačka dnevnog reda na nekoj od narednih sjednica Skupštine Zeničko-dobojskog kantona.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 26. sjednici Nezavisnog odbora, koja je održana 28.04.2025. godine, Nezavisni odbor je razmatrao Izvještaj o radu policijskog komesara za mjesec mart 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec mart 2025. godine i akt „Nadležno postupanje, traži se“ Federalnog ministarstva unutrašnjih poslova - Kabinet federalnog ministra unutrašnjih poslova, zaprimljen dana 09.04.2025. godine i protokolisan pod brojem: 01-03-7204/25, sa Informacijom policijskog komesara Uprave policije Ministarstva unutrašnjih poslova Zeničko-dobojskog kantona i priložima, broj: 08-02-01/03-2-1835-5/25 od 16.04.2025. godine, po aktu Nezavisnog odbora, broj: 01-03-7345-1/25 sa 25. sjednice Nezavisnog odbora.

Nezavisni odbor je prihvatio Izvještaj o radu policijskog komesara za mjesec mart 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec mart 2025. godine.

Nakon razmatranja dopisa „Nadležno postupanje, traži se“ Federalnog ministarstva unutrašnjih poslova - Kabinet federalnog ministra unutrašnjih poslova, dostavljenog na službeni e-mail Skupštine Zeničko-dobojskog kantona dana 09.04.2025. godine i protokolisan pod brojem: 01-03-7204/25 dana 09.04.2025. godine i Informacije policijskog komesara Uprave policije Zeničko-dobojskog kantona, broj: 08-02-01/1-

03-2-1833-5/25 od 16.04.2025. godine, po svim navodima iz predmetnog dopisa, kao i usmenog pojašnjenja policijskog komesara Uprave policije Zeničko-dobojskog kantona datog na 26. sjednici Nezavisnog odbora, Nezavisni odbor je u skladu sa svojim nadležnostima i ovlaštenjima utvrđenih Zakonom o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23) donio ocjenu da su navodi iz predmetnog dopisa neosnovani, da je policijski komesar u predmetnom slučaju postupio zakonito i profesionalno u skladu sa svojim ovlaštenjima i da nema osnova sumnje da je počinjena povreda službene dužnosti. Članovi Nezavisnog odbora su se usaglasili i da se doneseni Zaključak pored Federalnog ministarstva unutrašnjih poslova - Kabinetu federalnog ministra unutrašnjih poslova, dostavi Vladi Zeničko-dobojskog kantona i ministru Ministarstva unutrašnjih poslova Zeničko-dobojskog kantona na znanje, kao i Admiru Gaziću, policijskom komesaru UP MUP-a Zeničko-dobojskog kantona.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 27. sjednici Nezavisnog odbora, koja je održana 26.05.2025. godine, Nezavisni odbor je razmatrao Izvještaj o radu policijskog komesara za mjesec april 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec april 2025. godine. Nezavisni odbor je prihvatio Izvještaj o radu policijskog komesara za mjesec april 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec april 2025. godine, uz preporuke date u toku diskusije da se obrati pažnja na disciplinu, na ponašanje, politički angažman i moguće pojave korupcije u policiji, te nabavku jedinstvenih uniformi za sve policijske službenike Uprave policije Ministarstva unutrašnjih poslova Zeničko-dobojskog kantona, da se bez obzira na nedostatak policijskih službenika i dalje na terenu rade pojačane aktivnosti u navednoj oblasti bezbjednosti saobraćaja.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 28. sjednici Nezavisnog odbora, koja je održana 20.06.2025. godine, Nezavisni odbor je razmatrao Izvještaj o radu policijskog komesara za mjesec maj 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec maj 2025. godine. Nezavisni odbor je prihvatio Izvještaj o radu policijskog komesara za mjesec maj 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec maj 2025. godine, i istakao da je iz statističkih podataka i pokazatelja datih u izvještajima vidljiv prokativan rad policije u svim segmentima rada, da je shodno navedenom primjetno da su pristigli novi policijski službenici koji su na obuci kao i da je povećanje broja prekršaja iz oblasti javnog reda i mira uzrokovano proaktivnim djelovanjem policije, uz opasku da se i dalje nastavi sa potpunom nedostajućeg broja policijskih službenika obzirom na značajniji broj odlazaka policijskih službenika u penziju u odnosu na prethodne godine, kao i starosnoj/dobnoj strukturi policijskih službenika/službenica, te potrebi proširenja kapaciteta na policijskoj Akademiji u Sarajevu, kao i preporuku da se nastave pojačane aktivnosti na sprečavanju zloupotrebe opojnih droga i poduzimanju preventivnih mjera radi sprečavanja saobraćajnih nezgoda motociklista. Članovi Odbora upoznati da je u Službenim novinama Zeničko-dobojskog kantona broj: 8/25 objavljena Odluka Skupštine Zeničko-dobojskog kantona o davanju saglasnosti na Odluku o izmjenama i dopuni Poslovnika o radu Nezavisnog odbora kao i Odluka Nezavisnog odbora o izmjenama i dopuni Poslovnika o radu Nezavisnog odbora.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 29. sjednici Nezavisnog odbora, koja je održana 28.07.2025. godine, Nezavisni odbor je razmatrao Izvještaj o radu policijskog komesara za mjesec juni 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec juni 2025. godine. Nezavisni odbor je kroz diskusiju istakao uspješne akcije policije koje su u više navrata uspješno provedene na suzbijanju zloupotrebe opojnih droga kojom prilikom su zaplijenjene velike količine nedozvoljenih sredstava, da je opće stanje bezbjednosti dobro, a što je rezultat preventivnog rada policije, a što se posebno vidi u oblasti stanja kriminaliteta koji pokazatelji su u padu. Nezavisni odbor je prihvatio

Izvještaj o radu policijskog komesara za mjesec juni 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec juni 2025. godine. Dalje se upoznao sa Izvještajem o radu Uprave policije sa analizom stanja bezbjednosti na području Zeničko-dobojskog kantona za period januar-juni 2025. godine.

U svojstvu gosta sjednici je prisustvovao Edo Sujoldžić, pravni savjetnik Misije OSCE-a u BiH.

Na 30. sjednici Nezavisnog odbora, koja je održana 22.08.2025. godine, Nezavisni odbor je razmatrao Izvještaj o radu policijskog komesara za mjesec juli 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec juli 2025. godine i Inicijativu člana Nezavisnog odbora Brkić Kemala, zaprimljena putem e-maila i protokolisana pod brojem: 01-03-14512/25 dana 29.07.2025. godine. Nezavisni odbor je prihvatio Izvještaj o radu policijskog komesara za mjesec juli 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec juli 2025. godine. U toku diskusije po predmetnim izvještajima, članovi Odbora, su disuktovali o penzionisanju i ispunjavanju uslova za penzionisanje policijskih službenika i rukovodioca, trajanju radnog staža policijskih službenika, gubljenju beneficiranog radnog staža za vrijeme trajanja bolovanja, gubljenju ovlaštenja, penzije i pitanju zaštite službenika u navedenom pogledu, te podacima sadržanim u Izvještaju o broju sistematizovanih i popunjenih radnih mjesta, zatim dosadašnjoj popuni radnih mjesta namještenika, Pravilniku o zdravstvenim pregledima po kojem se radila ocjena radne sposobnosti policijskih službenika 2023. godine, te izradi novog Pravilnika o zdravstvenim pregledima i dr. Predloženo je pojačano prisustvo policijskih službenika na dionici magistralnog puta M-17 od Zenice prema Žepču.

Nezavisni odbor je razmatrao Inicijativu člana Nezavisnog odbora Brkić Kemala, zaprimljena putem e-maila i protokolisana pod brojem: 01-03-14512/25 dana 29.07.2025. godine podnesenu s ciljem da se razmotri, objasni i obrazloži pitanje: **„Zašto policijski službenici koji se iz radnog odnosa prijavljuju za mjesto mlađeg inspektora putem eksternog konkursa ponovno idu na obuku na policijsku akademiju, za razliku od policijskih službenika koji se iz radnog odnosa prijavljuju za mjesto mlađeg inspektora putem internog konkursa“**, obzirom da se radi o mogućoj diskriminaciji i kršenju prava policijskih službenika koji se prijavljuju za mlađeg inspektora putem eksternog konkursa koji odlaskom na policijsku akademiju gube radno-pravni status policijskog službenika i finansijska primanja, i da je intencija podnesene inicijative da se zaštite policijski službenici koji su kroz svoj rad stekli i obrazovanje odnosno uslove za obavljanja poslova mlađeg inspektora, da ne moraju ponovno prolaziti obuku na policijskoj akademiji obzirom da su već jednom prošli obuku na policijskoj akademiji (niti jedna obuka na policijskoj akademije ne može zamijeniti stečeno radno iskustvo policijskog službenika). Članovi odbora su se saglasili da se navedena inicijativa sagleda i da se članovi Zakona o policijskim službenicima (član 55. i član 56.) i pravilnika koji tretiraju eksterni konkurs preciznije definišu u navedenom smislu, nakon čega će se predmetni akt razmatrati na nekoj od narednih sjednica Odbora.

Na 31. sjednici Nezavisnog odbora, koja je održana 29.09.2025. godine, Nezavisni odbor je razmatrao Izvještaj o radu policijskog komesara za mjesec august 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec august 2025. godine. Nezavisni odbor je prihvatio Izvještaj o radu policijskog komesara za mjesec august 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec august 2025. godine. Također, član Odbora Kemal Brkić je prije usvajanja dnevnog reda pomenute sjednice izjavio da odustaje od svoje Inicijative zaprimljene putem e-maila i protokolisane pod brojem: 01-03-14512/25 dana 29.07.2025. godine, koja je bila predviđena za razmatranje kao treća tačka dnevnog reda.

Na 32. sjednici Nezavisnog odbora, koja je održana 31.10.2025. godine, Nezavisni odbor je razmatrao Izvještaj o radu policijskog komesara za mjesec septembar 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec septembar 2025. godine. Nezavisni odbor je prihvatio Izvještaj o radu policijskog komesara za mjesec septembar 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za

mjesec septembar 2025. godine. U toku diskusije članova Odbora i komesara policije po predmetnim izvještajima, akcentat je stavljen na krivična djela u oblasti zloupotrebe droga i oblasti nasilja u porodici, gdje je uočeno povećanje broja krivičnih djela, a što je rezultat pojačanih aktivnosti i sprovođenja akcija u navednim oblastima i kontinuiranog rada na podizanju svijesti žrtava da prijavljuju zlostavljače kroz promociju u školama i putem medija, zbog izmjene zakona, adekvatne reakcije policijskih službenika na svaku prijavu nasilja, kao i kontinuirane edukacije policijskih službenika u vezi navedenih krivičnih djela. Sugerisano je da se u opisnom dijelu Izvještaja o radu policijskog komesara informativno doda i dio vezan za rad i postupanje Jedinice za profesionalne standarde, unutrašnje kontrole i eventualno disciplinski dio.

U nastavku sjednice Nezavisni odbor je donio Odluku o izboru predsjedavajućeg Nezavisnog odbora, kojom je za predsjedavajućeg Nezavisnog odbora izabran Kemal Brkić, čiji mandat traje do izbora novog predsjedavajućeg koji se bira po principu rotacije shodno Poslovniku o radu i koja će se primjenjivati od 26.11.2025. godine.

Na 33. sjednici Nezavisnog odbora, koja je održana 24.11.2025. godine, Nezavisni odbor je razmatrao Izvještaj o radu policijskog komesara za mjesec oktobar 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec oktobar 2025. godine. Nezavisni odbor je prihvatio Izvještaj o radu policijskog komesara za mjesec oktobar 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec oktobar 2025. godine. U toku diskusije članova Odbora i komesara policije po predmetnim izvještajima, razgovarano je i o propisima iz oblasti bezbjednosti saobraćaja, Zakonu o saobraćaju u Bosni i Hercegovini, upotrebi romobila i kvadova, općinskim odlukama o organizaciji i sigurnosti saobraćaja, mogućnosti razvoja Centar za forenziku u Upravi policije obzirom da se nabavlja i dio opreme vezano za forenziku, da su u završnoj fazi pripreme za raspisivanje konkursa za državne službenike za vještačenja narkotičkih sredstava i da bi, obzirom da se trenutno vještačenja rade u Federalnom MUP-u, uspostavljanje takvog centra unaprijedio rad policije, te o programu IDEA-e vezan za naplatu prekršaja od vozača vozila sa stranim registarskim tablicama, kao i o nabavci i primjeni uređaja za testiranje na prisustvo droga kod vozača motornih vozila.

Na 34. sjednici Nezavisnog odbora, koja je održana 30.12.2025. godine, Nezavisni odbor je razmatrao Izvještaj o radu policijskog komesara za mjesec novembar 2025. godine i Izvještaj o radu Uprave policije i stanju bezbjednosti na području Zeničko-dobojskog kantona za mjesec novembar 2025. godine. Nezavisni odbor je prihvatio Izvještaj o radu policijskog komesara za mjesec novembar 2025. godine sa Izvještajem o radu Uprave policije i stanju bezbjednosti na području Zeničko-dobojskog kantona za mjesec novembar 2025. godine. U toku diskusije članova Odbora i komesara policije po predmetnim izvještajima, razgovarano je i o kontinuiranoj nabavci opreme za policijske stanice na području Zeničko-dobojskog kantona, kao i o obuci kadeta na Policijskoj akademiji u Sarajevu.

NADLEŽNOSTI NEZAVISNOG ODBORA U VEZI SA DISCIPLINSKIM POSTUPKOM

U navedenom izvještajnom periodu Nezavisni odbor nije koristio zakonska ovlaštenja iz člana 45. Zakona o unutrašnjim poslovima Zeničko-dobojskog kantona u pogledu iniciranja pokretanja disciplinskog postupka za povrede službene dužnosti policijskog komesara, jer za to nije bilo potrebe odnosno nije bilo slučajeva zbog kojih bi se koristilo pomenuto ovlaštenje.

ZAKLJUČCI

U skladu sa nadležnostima Nezavisnog odbora propisanim Zakonom o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19 i 22/19, 21/20, 10/21 i 8/23), koji se primjenjivao u izvještajnom periodu, a na osnovu redovnog razmatranja mjesečnih

Izveštaja o radu policijskog komesara i Izveštaja o radu Uprave policije i stanju bezbjednosti na području Zeničko-dobojskog kantona, mogu se izvesti sljedeći zaključci:

1. Nezavisni odbor je redovno razmatrao mjesečne Izveštaje o radu policijskog komesara i Izveštaje o radu Uprave policije i stanju bezbjednosti na području Zeničko-dobojskog kantona, po istima je vođena diskusija i zauzimani su odgovarajući stavovi;
2. Nezavisni odbor je sa ciljem poboljšanja objektivne i subjektivne sigurnosti građana utvrdio određene prijedloge i sugestije koje su uvažene od strane Policijskog komesara;
3. Nezavisni odbor je utvrdio da nijedan prijedlog niti sugestija nije sadržavao elemente uplitanja u operativni policijski rad niti je imao karakter političkog uticaja na rad policije.

MJERE I PREPORUKE

Nezavisni odbor bi i u narednom periodu trebao nastaviti da svojim prijedlozima i sugestijama datim prilikom razmatranja mjesečnih Izveštaja o radu policijskog komesara i Izveštaja o radu Uprave policije i stanju bezbjednosti na području Zeničko-dobojskog kantona doprinosi unapređenju rada policije, te kadrovskom, materijalnom i tehničkom poboljšanju uslova njenog rada.

U narednom periodu je potrebno kontinuirano provoditi snažnije proaktivno djelovanje i primjena određenih sigurnosnih mjera i postupaka policije u područjima za koja se utvrdi da su prisutni pojedinačni sigurnosni događaji koji uznemiruju javnost (kao što su: slučajevi razbojništva, zloupotrebe droga, upotreba vatrenog oružja, nasilje nad ženama, nasilje u porodici i sl.), a sa ciljem da rezultati policije u cjelini budu odraz ukupnog, profesionalnog i rukovodnog djelovanja orijentisanog prema principima djelovanja u skladu sa principima djelovanja policije u demokratskom društvu, ali i primjeni projekata rada policije u zajednici.

PREDSJEDAJUĆI
Nezavisnog odbora

Kemal Bekić



Broj: 01-03-3117-1/26
Zenica, 23.02.2026. godine

Dostavljeno:

- Skupština Zeničko-dobojskog kantona,
- 1x U spis predmeta 36. sjednice Nezavisnog odbora.